

Restaurering av stabburstaket i 2020 på Halvspandet, gnr 121, bnr 7.

Takrestaureringa på buret vart gjort i juni og juli, stort sett i godt ver. Arbeidet vart gjort av Trond Wean og Vidas Zaromskis. Dei same som la nytt skifertak på våningshuset i fjor og med råd og rettleiing av tri røynde skifertakarbeidarar.

Den gamle skifersteinen på stabburstaket vart først fjerna, ei side av taket om gongen. Sonen Ole Johan Lindgaard har tatt vare på den gamle taksteinen og lagra han innomhus til seinare bruk på garden. Den steinen vi tok av var lausare i struktur og tjukkare enn Alta-skifersteinen som no vart lagt på. Vi veit ikkje kor denne taksteinen kom ifrå. Han var ulik Stjørdals-skifersteinen som tidlegare var på våningshuset, ved at han hadde både lausare struktur og kvar stein var tjukkare og tyngre.

Under arbeidet med taket, kom det fram klare teikn på at stabburet har vorte sett opp av brukt tømmer. Johan Martin Lindgaard, bestefaren min som døde 03.06.1901, har nok kjøpt stabburet brukt. Men vi veit ikkje kor det har stått før, eller kor gamalt det eigentleg er.

Det første fjøset på garden brann ned i 1897. Det stod på vestsida av våningshuset / tunet nær der stabburet står. Det var så vidt våningshuset berga frå flammene. Dersom stabburet hadde vore sett opp før brannen i 1897, hadde det nok brunne ned.

Vi trur stabburet truleg har vorte sett opp i åra 1898 - 1900. Far min, som var fødd 24.01.1896, meinte stabburet vart sett opp i 1900.

Etter at den gamle skifersteinen var fjerna, vart nytt forsterka tak lagt oppå det gamle undertaket. Taket, sett frå innsida av stabburet, ser ut som før restaureringa.

8 bilde er lagt med frå arbeidet med stabburstaket.

Rissa, 10.09.2020.

Olav Lindgaard